

Շաբաթ օր (6 Մարտ) Կիւրղի. զկին Մարտիրոսին
գնացեալ թաղեցաք:

Կիրակի (7 Մարտ) Անառակի:

Բշի օրս (8 Մարտ) փաշան ի զօլ ելեալ և ի գիշերի
յանուանի սահմանս քաղաքիս սպանեալ զոմանս. գող
են ասացին, և մի գողն պուրխար գոլով՝ դաւանու-
թեամբ Հոռոմոց՝ այր գազանաբարու, առաջի փաշա-
յին ասէ թէ Ուրանամ, զի փրկեսցի. և առացեալ փա-
շան՝ եթէ դու անպօր գոլով և կեաւուր՝ զայդ գոր-
ծէիր, և թէ լինիցիս տաճիկ՝ զաշխարհ խանձես այ-
րելով: Եւ հրամայէ զօրավարաց թլփատել զնա և բե-
րել առաջի իւր. և բերեալ առաջի նորա տաճիկ կեր-
պիւ, ասէ՝ Սպանջիք զպղղծդ. և այնպէս կորչի այրն
այն ի կորուստն յաւիտենից:

Յաւուրս հրաման եկեալ ի վէզիրէն զի ժողովես-
ցեն զօրտուն վասն պատերազմին՝ յամենայն արհես-
տաւորացն:

Եւ ևս ի վերայ այսմ տէֆտէրտարի բան՝ զի զմի-
րին առցեն ի մէնջ փութանակի, քանզի յամենայն ամի
ի գլուխ տարոյն առնէին, որ և Մէհրէմ ասի, այլ
այժմ Զ ամսով յառաջ առնել հրամայեաց: Եւ ըմ-
բռնեալ տէֆտէրտարին պահանջէր, և Ե եկեղեցին
[տես]անէր զպատրաստութիւն դրամին. իսկ մեր եկե-
ղեցոյ [չար]քն, զոր յայտնեալ եմք ի սոսկ մատենաս
զ[ար]արմունք նոցին սուղ բանիւ, որ մի ըստակ [ոչ]
ետուն շահ եկեղեցոյն, այլ՝ պարտք ի վերայ [պար]-
տուց, և այժմ խորհեցան զայս ևս չար[իւս] առնել
ժողովրդոցն, և զմիրին զայս առնել յամենեցունց,
զոր ոչ եղեալ էր երբեք, քանզի առնէին ննջեցելոց
ի ըստակ, և ծնելոցն ի և պսակ[ելոցն] . . . և Զ ե-
կեղեցին, զոր ծախէին զԱնատօլի և զՈւոռումէլի և
. . . և մերն հասանէր ի և Իէֆ . . . հանէր զ . . .
[մա]հուն և կենացն իւրեանց (անկէ-նաւոր քաղաքներու-